

Onn sudah bilang semboyannya sekarang setelah bercita-cita mendirikan Parti Kemerdekaan Malaya ialah: "Negara satu, umat satu, kerajaan satu, pemerintah satu"- serba satu. Cuma yang tinggal Tuhan tak sebut satu atau berapa! Sebab Si Ah Cheong Tuhannya api, Muthusamy Tuhannya banyak – Lembu ada tangan sepuluh pun ada. Jadi perkara Tuhan tinggal belakang sebab masalah itu masalah campur banyak kepercayaan. Tetapi.... ia sendiri berdiri di mana? Wallahu alam. Sama Si Ah Cheong kah, sama Muthusamy kah atau cara asalkah, kita tak tahu.

-----*-----

Masalah perkara satu ini sudah berpengaruh pula kepada lain tempat. Apabila ia masuk ke Pejabat Majlis entah apa yang dirundingkan kita tak tahu – Majlis pun mengubah cogannya serba satu juga. Dahulu Majlis lentam lentum membentak Dato' Onn dan mengingat langkah Onn menubuhkan Parti Kemerdekaan Malaya kita percaya Pak Haji Luncai naik balunnya akan menggugurkan atom bom tetapi rupanya Pak Haji sudah "redha" lalu tutup mulut – Ada apa-apa nyakah?.....?!



tangan sahaja waktu menulis tidak menggunakan otaknya dan tidak mahu mengambil tahu maslahat bangsanya. Tidakkah yang serupa ini boleh dibilang pengkhianat kepada bangsa?

-----*-----

Riwayat nampaknya mengulang semula – anak-anak dagang banyak dibawa masuk dahulu ke mari ialah kerana kekurangan penggali-penggali lombong dan untuk menunaikan kehendak tauke-tauke maka banyak mereka itu dibawa ke mari lalu mengharamkan Tanah Melayu dan sekarang tidak cukup dengan itu Persekutuan Cina Malaya meminta lagi supaya dibawa 300,000 orang dari negeri China ke mari dan dalam masa lima tahun nanti ia sudah jadi rakyat Malaya dan berhak sebagai orang Melayu mengikut rancangan Dato' Onn.

-----*-----

Biasanya kalau orang sudah tua banyak pengalamannya dan tahu kadar dirinya serta suka bersara. Tetapi ada juga yang

berjubah kuning tak mahu bersara pada hal lebih daripada patut bersara dan yang ganjilnya buat kakau pada orang lain. Apadia buat kakau. T.S.T.

-----*-----

Hari Raya sudah lepas dan banyak orang menyambut Hari Raya tetapi cara menyambut oleh setengah-setengah persekutuan dan pertubuhan dengan mengadakan joget dan dalam masa itu untuk penghilang malu diletakkan minuman keras. Tetapi lebih hebat lagi pada Hari Raya mereka berjamu minuman keras yang menjadikan setengah-setengahnya berkelakuan tak senonoh lalu ditangkap dihadapkan di hadapan mahkamah dan apabila ditanya menyatakan ia mabuk kerana berhari Raya. Astaghfirullah! Agama Islam menyuruh berpuasa, supaya insaf dirinya dan berhari Raya supaya bergembira kerana telah berjaya menyampaikan perintah-perintah Allah dengan ziarah-menziarahi di antara satu sama lain merapatkan ukhwah Islam – bukan disuruh mabuk sehingga tergelimpang di tepi jalan dan mengerjakan pekerjaan-pekerjaan yang asi – Cemeti Al-Farouk.

Dua perkara di atas perdirian. Dahulu orang takut orang Melayu nanti mengamuk sebab sifat orang Melayu suka mengamuk kalau tak puas hati. Sebab itu orang yang tahu sifat Melayu suka urat tenguk. Mula-mula kasi jamuan teh, kasi rokok, dengan perkataan-perkataan "Ya Encik, ya ya... Saya Encik....! Dan seterusnya....Pangkat kasi, wang kasi, janji kasi itu jam daratan sudah lupa dan kesannya mengaku akan "berkhidmat" dengan ada sagu hati. Kerana sudah berkhidmat, kerana kaki sudah dilangkah hendak undur malu dan terpaksa diteruskan walaupun dilaknat oleh bangsa sendiri. Apa ikhtiar.... cari kawan. Mana yang lebih baik.... cari orang yang sama tidak berpendirian iaitu orang yang menggunakan